

propter Germaniæ vicinatem cotidianis exercitatis bellis, cultu & feritate non multum abfimilem a Germanis fuisse, neque imperata unquam nisi exercitu coactam fecisse. Tantum scilicet antiquitus fuit Belgis libertatis studium.

Urbs primaria *Augusta Trevirorum*, vulgo *Trier*. Hæc cum antiquissimis Europæ urbibus de antiquitate contendit atque hujus antiquitatem trecentis & mille annis, ante urbem Romam perscrutatus est *Aeneas Silvius*. Eam *Mosella* mediam perlabitur. Natura loci (ut *Simon Richwinus* ad *Munsterum* scribens testatur) satis est ad delicias & amœnitatem facta, sive montes & valles, sive flumina & rivus pratis interjectis spectare velis. Montes *Bacchico* cultu virent. Ager satis hic est fecundus: omnis generis pisces & ferina hic abundant. In *Trevirensi* Provincia hæc sunt: *Abbates*, *Pruiniensis*, *S. Maximini* proxime *Treviros*, *Metloch*, *Himmeloedt*, *Toley*. Comitatus qui sunt intra *Trevirensē* ditionem, *Manderscheyt*, *Keihel*, *Weimenborck*, *Gervesteyn*, *Veldentz*. Baroniæ *Winnenberg* & *Bilstein*. Dominia *Passenheim*, *Saffich*, *Zur Leyen*, *Eltz*, *Permont*, *Wildenborgh*, *Eerenborck*, *Waldeck*, *Hertelstein*, *Kerpen*. Præfecturæ *Schoimbergk*, *Schoinecken*, *Hildesheim*, *Daune*, *Over-Manderscheidt*, *Kylborck*, *Ulmén*, *Cochem*, *Kempenich*, *Meyen*, *Monreal*, *Keisers Esch*, *Munster*, *Mervelt*, *Over-Hammerstein*, *Welsch Billich*, *Broich*, *Pfaltz*, *Witlich*, *Sarborck*, *Grimborck*, *S. Wendel*, *Bleissassel*, *Hunelstein*, *Baldenaw*, *Berncastel*, *Cell*, *Baldeneck*, *Schoineck*, *Cablemtz*, *Boppard*, *Over-Wesel*, *Eerenbreitstein*, *Montabaur*, *Vilmar*, *Brechen*, *Caemborck*. Urbes præter *Augustam* *Trevirorum* sunt ad *Mosellam*: *Nivomagus* divi castra incluta *Constantini*, *Veldentz*, *Cella Beilstein*, *Confluentia*, & alibi alia. Comitatus confines Provincie *Trevirensi* in hac Tabula comprehensi sunt, *Blanckenheim*, *Arnsberg*, *Nuenar*, *Reiferscheidt*, *Sleiden*. Dominia *Cronenburg*, *Smidheim*. Duo hic sunt *Lacus* miræ profunditatis, nempe *Ulmensis* & *Laichensis*, in quorum posteriore reperiuntur *Lapides* viridis, crocei & rubicundi coloris, qui *Smaragdos* & *Hyacinthos* æmulantur. Majori autem ex parte fluviis, torrentibus, ac rivulis irrigatur, qui omnes *Mosellæ* commixti ad *Rhenum* deferuntur: unde omnis generis *Pisces* hic abundant. Inter fluvios sunt *Kil* qui & *Gelbis*, *Pruin*, *Ur*, *Sara*, *Abra*, *Sura*, & alii. Montes *Meliboci*, *Agnobi*. Silva *Arduenna* varie hic diffunditur, diciturque pro locis modo *Westerwald*, modo *Eider-waldt*, modo *Ebers-waldt*, quæ Silvæ *Feris* refertissimæ sunt. Palatium *Treviri* est spectandæ antiquitatis. Alia insuper moles adhuc exstant, alia sub cæcis terræ speluncis sepultæ jacent, quæ cum indies eruuntur admirandam exhibent vetustatem. Antiquissima etiam totius Germaniæ Academia insignitur. Artium & linguarum studia quæ hic floruerunt, commemorare nihil attinet, quum ex media etiam Italia eo contendisse plerosque, certum sit. Mores hominum hic natorum plerumque tristes sunt, & ad *Melancholiam* proclives, sed tamen mansuescunt paullatim commercio extraneorum, & *Stoicum* illud supercilium convictu seu recreatur.

In universum *Mosellanorum* corpora laboribus induruerunt ad miraculum usque. Per Montes aërios, veluti *Capræ* reptare & evadere spectantur. Residuum Provincie *Trevirensis*, quod hac Tabula contineri non potuit, invenies in III Tabula *Westphaliæ*.